

近代中國史料叢刊第五十二輯  
沈雲龍主編

楊

菴

年

譜

崇實撰

WT 208/0802

文海出版社  
印行

楊愈年譜

樸山氏自誌



嘉慶二十五年庚辰一歲秋七月十八日寅時實生於

京師東四牌樓南勾欄衙衙祖宅之西廂吾宗完顏氏

分源於金章宗 高祖刑部侍郎左翼正監督勉齋

公 曾祖河南布政使曉巖公 祖山東泰安府

知府署理山東督糧道曙墀公 父南河總督見亭

公老宅在鼓樓東大街 泰安公外宦浙魯棄去

河督公供職內閣初置勾欄衙衙宅丁丑年轉外班

翰林以中允充館職是年四月 泰安公引疾歸道

經白果河得風疾卒於南柯店旅次 河督公先已

迎待中途卽扶輓歸里 程佳太夫人懷實已八越月

矣計誕生當在六月乃遲一月而後生生之夕 祖

母憚太夫人夢 泰安公偕一行脚僧入內室方詫

詢問 泰安公曰此東岳頭陀吾再三邀之乃肯來

勿輕視也寤而家人報予生故命乳名曰岳保

道光元年辛巳二歲

二年壬午三歲始出痘祇七粒家人皆不覺實方隨

母歸省外家 外祖母見而詫曰是天花已結痂矣

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



俗呼爲七巧痘餘毒發於喉間左右各一危甚乳母劉  
晝夜懷抱至廢眠食迷惘間見一老人撫視所患因求  
救治老人曰此非我不能然汝母恐墮於鶴筆中掣寶  
劍出左右割之乳母驚覺而予之兩頤同時膿潰哭始  
有聲 太夫人因詢夢中狀則云白鬚披紅鶴筆入  
門時卽言住本司衙衙雙關廟此子有難故來云云因  
往察東廡有 華陀祖師像正符所夢吾 母卽發願  
每月上香燭錢至今敬遵不敢懈

三年癸未四歲吾 父以京察一等記名

簡放甯國府遺缺知府單騎出都赴安徽省卽補徽州府知府

遣人迎養 太夫人遂率眷之官

四年甲申五歲隨吾 母奉 太夫人出都至清江

買舟先回常州歸省後紆道杭州遍遊西湖達徽州署

實始入塾識字授讀者曹粹庵太老夫子爲歙縣廩貢

生吾 父之啟蒙師也秋間吾 父調任穎州先奉

太夫人同行吾 母有身不便陸行率 實與四胞姊

暫留新安

五年乙酉六歲吾 母生六弟不育遂由水路繞赴穎

州坐江船至沙帽洲遭風豚之難先是過黃天蕩見江豚拜風舟人戒勿擾予方製有小弓矢潛啟後窗射之是夜狂風陡作一江豚獨觸破舟底吾母倉皇率子等避入漁舟幸免天曉風定見上流泊一空船因往商棲止舟有老婦問是否官眷有一六歲之公子否訝其何以知之則曰三日前夢一金甲神來囑勿往浦口裝貨須在沙帽洲停泊俟見官舫中有一小公子方六歲者在此有難汝急救援必獲後福否則不利醒告吾子吾子以妖夢置之是夜亦夢金甲神怒責其不遵母命

且曰吾係靖江王命來守候汝敢違耶舉鞭欲擊遂驚  
醒不得已守候於此今果然也請卽登舟不敢索值遂  
送至揚州後吾父兼署兩江總制時卽於是處捐製  
救生船二十四隻並修靖江王廟於北岸以酬神貺吁  
實何人也乃蒙神佑如此然吾母因歷此險驚成頭  
顛之疾則由小子無知快於一戲幾至全眷同阨實之  
罪大矣是役也內外下人因驚成疾者亦衆甫侍吾  
母抵穎而吾父已升任河南開歸道卽隨全眷奉  
太夫人赴汴



六年丙戌七歲從程白蓮夫子始讀唐詩九月吾弟地  
山生 太夫人命乳名曰宗保先是 祖父盼孫  
甚切吾 父元配瓜爾佳夫人生一兄名鳳威二叔父  
亦生一堂兄名鳳儀後皆不育 祖父母以鳳字不  
利因官泰安近岱宗卽取山宗之意定以崇字排諸孫  
下一字則取各吉祥字共擬十數惟實厚二字乃  
太夫人所擬云俟有四五孫時焚香拈闕以占得此二  
字者爲最吉吾弟生彌月時二叔父房中先有一堂兄  
已九歲三叔父房中又有一堂弟亦三歲暨 實 與吾弟

共有四人因於吾 父母初次舉行安杆大祭時度書  
十名作爲紙闕 太夫人親手拈定大堂兄得壽字  
三叔父房中堂弟得光字 實與吾弟竟得實厚二字  
太夫人喜曰吾所默禱得此二字者必能成立今只  
四人而已拈出且均在長房宜善教養勿負吾望迨道  
光癸卯 實領鄉薦甲辰吾弟又中副車故吾 父誌喜  
有厚實養心田句卽謂此

七年丁亥八歲業師程白蓮夫子病久不愈予從李五  
世伯溫習

八年戊子九歲吾父常駐河工防汛吾母亦多病而予以權館之師不甚畏憚日事嬉戲遂染弱疾自是年九月至次年五月方愈所讀詩書均荒廢矣

九年己丑十歲病勢日劇羣醫束手至夏五月竟四肢若廢綿綿一息重堂皆焦灼萬分忽一日予謂乳母曰惟聞山查果香思食之太夫人卽命速購時

宿果無存新者未熟竟不可得越日黎明乳母劉方露禱於庭忽見香几上安放一枚既大且紅喜告吾母方疑不知何人送來太夫人聞之卽詫爲神賜親

持至榻前示予曰醫者謂汝病宜忌生冷不應食此然  
汝既預聞其香或者可救汝命竟與食之予細細咽下  
頓覺暖氣直達丹田遂酣眠半夜醒來覺有微汗卽思  
飲食蓋已半年不能眠食矣此後頓覺陽氣來復數日  
卽能步履吾父適於汎次回省幕中有設沙者因便  
叩問方知紅果卽仙丹仍是華祖雲天垂手實何幸  
而得此

十年庚寅十一歲吾父升任河南按察使入都

陸見還省卽移居臬署是年從趙甦生夫子讀書始學吟兩

韻詩

十一年辛卯十二歲在臬署讀書 會祖饒巖公曾

任是缺 太夫人隨侍時住於東院今吾 父又任

此 太夫人仍住東院因名曰再至堂當日吾 父

讀書之處卽命實與吾弟仍以此爲家塾眞一時佳話

是年 太夫人選訂

國朝闈秀正始集

十二年壬辰十三歲吾 父升任貴州布政使以路遠

未能迎養吾 母率實等留侍 太夫人移寓相圃

寺後張道台名坦公館實與吾弟在黃大王廟讀書

始作破承題趙夫子頗嘉許卽命作起講第一次課題

曰女器也冬夜課畢每侍太夫人小酌承歡祀竈

日偶論及膠牙餈事實卽占一五絕曰祀竈由來古黃

羊禮最嘉問心苟無愧何必粘神牙太夫人顧而

樂之曰詩雖稚氣然識見迥異凡流將來可成偉器寄

諭吾父云岳孫近來頗能博我歡心偶有議論皆極

正大且存心忠厚決無紈袴之習吾又放心一代矣是

年九妹生

十三年癸巳十四歲吾 父上年抵黔未接藩篆卽奉  
命護理貴州巡撫二月升任湖北巡撫 太夫人聞之甚喜

忽接京中信知二叔父病重二孀母又下世三叔父已  
於上年赴廣西賓州任家中止病叔一人 太夫人

欲歸視其疾吾 母以年高不宜勞動請代往 太

夫人允許吾 母卽單車入都實與吾弟及姊妹四人

均留侍 太夫人而吾 父又調任南河總督且奉

命赴荊州查滿營互揭之案 太夫人忽於四月八日抱恙

十四日卽溘逝吾 父均未能躬視含斂惟實與四姊

親侍湯藥弟妹皆稚賴家有內外老僕媪尙能一切如

禮吾 父前後聞訃奔至大梁五月請柩回京在齊化

門外關東店治喪八月合葬酒仙橋 秦安公塋次

先已有

旨催吾 父百日後請安面見葬事畢即詣

圓明園內請安遂改命署理總河促即赴任九月吾 父率

四姊七弟先赴清江吾 母率與九妹仍回汴省整

理行裝由黃河抵王營冬月入節署是年由京邀請潘

滋泉夫子設帳清晏園中吾弟兄皆受業焉自五歲入

長安乙巳月一日



塾後遷徙不常又多疾病所讀詩書半皆荒廢惟於吟詠頗具性靈記侍吾父扶柩道經邯鄲盧生祠偶命題壁卽口占曰功名富貴總雲煙一枕能教萬事全畢竟癡人有癡福夢爲將相醒爲仙吾父極爲嘉獎

十四年甲午十五歲在南河從潘夫子讀書以前學業多浮而不實夫子命自四子書重加講習朝夕訓誨並勉以身心之學實之能讀書成立受益於夫子者最深是年詩文皆不令作恐流入輕率之習有手鈔格言一冊自題曰身世金丹吾父抵任後創辦灌塘濟運至

是有週歷各汎詳陳河工情形一摺奉

硃批有一代名臣之獎

十五年乙未十六歲夏間作文全篇詩多不合試律體

吾父公餘親授我法集百首頓有進益實於試帖稍

覺擅長乃庭訓也是年隨侍巡歷要工至高家堰有

放眼疑無地謀生幸有舟淮揚資保障宣洩費持籌並

觀啟禦黃壩有波似龍翻來座下人如蟻戰繞河干等

句皆紀游實事也

十六年丙申十七歲春間兼習二三場工夫秋與李小

敘陳雲巖聯三癡詩社學吟雜體詩有圖紀事冬吾

母送胞姊回京應選弟妹皆從惟留實在署歲暮忽有

要緊凌工吾 父出巡除夕惟實一人在署故有句云

去年今夕樂何如四人同繞椿萱座今年今夕景何殊

一人獨對梅花坐等句

十七年丁酉十八歲春間接京信知四姊摺牌蒙

上賜大紅江綢二卷又

皇后賞翠花兩對予寄詩賀之有不櫛居然成進士官花插帽

讓君先之句吾 父甚樂二月九卿督撫京察奉

殊諭江南河道總督麟慶宣防無誤獲保安瀾交部從優議敘  
四月吾 母還署仍同吾弟共讀是年始習騎射冬議  
姻事時 外舅峻齋公諱克明額官淮關監督吾 父  
爲 實 求婚其長女卽覺羅夫人也

十八年戊戌十九歲在南河二月行納采禮三月覺羅  
夫人來歸送嫁者乃六吉內兄名文謙時方官茶庫員  
外請假出京潘滋泉夫子是科赴京會試代之者卽其  
弟逸泉先生也是年署中幕客表叔憚名光宸成進士  
入詞林後官至江西巡撫

十九年己亥二十歲是年三月吾父命入都鄉試同行者業師潘老夫子及沈子守謙名學詩幕友王靜軒之壻也五月到京住舊鼓樓大街西雙寺因近岳丈宅便於照料並同內姪世履吉表兄文怡齋與沈子同結會課終日閉門伏案秋應試文首題貨悖而入者亦悖而出詩題汲古得脩綆報罷領出落卷乃知詩中失粘一字未薦批曰文有奇氣再加淬礪之功定當破壁飛去先是途中雨水過多守謙有述悶詩予和曰莫愁風雨隨車至仁看魚龍破壁飛場中批竟暗合吾父寄

論曰科名遲早有定得失勿關於懷但盡爾脩爲無不  
飛黃騰達之理勉之勉之遂留京用功待次年

恩科是年吾 父兼署兩江總督管兩淮鹽政並於每年蒙  
賜福字外加

賞壽字

二十年庚子二十一歲春初仍住雙寺因住持僧不守  
清規予稟商潘夫子似宜避嫌極蒙嘉許遂移於帽兒  
橋衙 文昌廟乃朱文正公讀書處時岳父官內務府  
堂郎中最鍾愛子逢人輒誇曰吾婿雖貴公子而宛然

寒素其家教固嚴而年少老成出於天性較之謝庭玉  
樹尤爲難得每在家督責其子孫但一見予無不歡笑  
且所管大官珍饌時時分惠予亦格外謹飭是以在廟  
用功從未出南城自二月卽約同課諸人每月練習二  
次三文一詩場兩日一夜之力眞草皆仿場規秋應試  
文首題必也臨事而懼好謀而成者也詩題秋色牆頭  
數點山榜發仍落第挑取曆錄三十二名領卷知在程  
榜香夫子房薦批太好堂上本擬中因係官卷額滿見  
遺文緣軒侍郎批曰合觀三藝一往清利詩佳旋奉

父諭命回署遂由潞河買舟南下十月抵清江吾母  
時病肝氣朝夕侍奉不能暫離

二十一年辛丑二十二歲春初吾母仍病忽增忽減

延至二月四日竟棄世實等四人皆在側吾父命於

節署大堂後治喪畢由水路命實扶柩回京四姊九妹

偕行吾弟與覺羅夫人留侍署中緣大兒在孕不便跋

涉五月抵楊村因隨糧船首幫水淺不能前進函諭都

中奴子率小槓來迎暫安於齊化門外關東店辦事十

七日送至酒仙橋祖塋陽宅暫安實與姊妹住口袋



衡衡陳姓之房奉吾 父諭令擇地安葬吾 母並  
兩位先妣遂仍定沙窩門外架松王塋後壽藏按此地  
本戴師木先生爲吾 父所擇因 祖塋已無餘地而  
宦游在外未暇經畫至是乃請內府郎中明君倫看定  
山向種樹築室實日與青烏家在郊外相度八月規模  
粗具乃請 三位先妣之柩同日入穴又奉 父諭月  
買新宅適有人言及弓絃衡衡之宅且半畝園久有微  
名因稟定行止奉 諭云此園三十年前曾經游覽大  
有因緣而長親瑞老太太方爲四姊議婚來君名秀法

梧門先生之孫英煦齋太老師之外孫也吾父亦以爲有前緣葬事畢卽料理姻事並商之半畝園舊主人桂雲生主政先讓出園之一隅以便新親來宅放定移寓之日卽接吾父專差報喜之信方知八月初七日長男嵩申生於清江節署正值

宣宗萬壽前第一日花衣之期故吾父有小臣初出沐君恩之句卽命名嵩祝後因祝字滿音與

文宗廟諱同故改申字又因其八字與祖父年干日元皆

同故又乳名曰同兒吾父並諭仕宦二十年從未謀

產今纔得一園而汝在京書券之日正吾孫誕降之辰  
豈非有大好因緣在乎命將京中一切家事粗定仍同  
姊妹回南再聚數月以後家事全付汝夫婦矣十月仍  
由水路南旋是年既遭大故驟管家政筆墨都荒冬月  
到署卽患眼疾而吾父愛憐愈甚命靜養是年因東  
河開口設豫工例吾父爲實報捐同知吾弟報捐直  
牧並爲親族子弟捐者甚多不過聊申報效之忱而已  
先因兩次鄉闈未售有勸改就他途者予歌寶劍諾以  
見志曰寶劍寶劍光如電切玉未成芒不變吁嗟乎以

之補履非其願吾 父見而諭曰今雖爲汝報捐一官  
汝能棄而不用尤吾之素願也

二十二年壬寅二十三歲二月奉 父命送胞姊回京

完姻兼料理家務實與覺羅夫人請將同孫留於署中

以博朝夕之歡並因實等將屆小祥四姊又長離膝下

老父需人侍奉乃覓揚州洪氏女來署吾 父甚爲

嘉悅卽延女教師日令伴同吾妹講習琴書並學繪事

三月三日納爲側室因 諭實曰汝等極盡孝道能體

親心我已有人侍奉並弟妹在此小孫又能引我長聞

笑口儘可放心回京好爲創立家計不宜戀戀作尋常  
兒女態遂於三月同胞姊仍由水路北上先是岳父於  
去年以上駟院卿充粵海關監督以水土不習引退先  
倩眷口回京正值吾夫婦北上遂偕內姪等同由水路  
行五月到家弓絃衡衡新宅已騰出惟須大加修理六  
月岳父行抵清江疾甚卽寓於慈雲寺沒焉一切棺斂  
幸皆吾 父照料六吉內兄迎至中途扶輿歸在齊化  
門外治喪于襄其事八月吾姊于歸一切如禮是年夏  
間洋船直至鎮江吾 父奉

命江北督師防堵揚州一帶而蕭北忽報漫口聞信卽專家丁  
赴署省視旋經部議罷職吾 父有十載安瀾敗於一  
旦無顏仰對

聖主之奏而

宣宗有姑念正值防次僅予罷職之諭緣當日河工失事均照  
案辦尙有餘罪非若近來止降級處分也吾 父以十  
餘年兩河勞瘁一旦卸肩反覺優游遂呈請漕督代奏  
在清江調理舊疾緩至明春由水路回京得

旨允准實聞信後卽趕緊整理家園並求田間舍爲娛 親之

計是年亦未能讀書

二十三年癸卯二十四歲春初奉吾 父諭定於三月  
隨糧艘北上並諭本年有科場速理舉業時潘師不能  
北來爲吾弟月廷許可俟夫子來家設帳實於督工之  
暇偶爾作文然終不能伏案如初矣五月迎至通州吾

父詣

國報到後卽訪多年老友相約游山是月實等三年服滿  
吾 父命在新宅安禱大祭卽 命實夫婦主之此後  
苟無事故每年皆舉行一次七月東河卒工又開口奉

旨令吾父前往大工襄理倉促出都而實等放心不下因於  
八月送洪毓娘與九妹至汴省離工次不過一日程便  
於侍奉初三日送吾妹登程初四日即移小寓應秋試  
是年文首題足食足兵民信之矣詩題庭中竹城一窗  
秋榜發實中二百四名舉人房師江曉帆先生坐師麟  
梅谷大宗伯許滇生大司馬花松岑大司成也解元余  
尊衛覆試在

圓明園正大光明殿因有旗籍同年名福元者履歷載填十

四歲



宣宗疑甚命監試王大臣格外從嚴是日又有奏參科場修卷之弊入門時定郡王卽宣諭不同往時須認真搜檢按名點入後卽拏住懷挾一人衆皆慄慄是日

欽命題惡不乘以爲勇者兩句詩題長句之戰予於申初卽交卷先出越日知取在二等十六名是科覆試列四等者十一人革去者四人罰科者七人又月案因修卷斥去二人吾弟領落卷知亦堂備房考司徒子臨先生冬月河南大工將欲合龍而工敗垂成罷兩欽差職卽梅谷先生與廖玉夫年伯也吾父幸專辦引河已報一律